



Jumat, 12 Pebruari 2021

Ogen: Roma 12:15-16



Sepenggejapen



Air mata yang dikucurkan bagi diri adalah air mata tanda kelemahan, tetapi air mata yang dikucurkan bagi orang lain adalah tanda kekuatan (Billy Graham). Ayat Alkitab si sejajar ras kalimat enda eme meriahlah ukurndu ras kalak si ermeriah ukur, tangislah kam ras kalak si tangis. Ije lit teridah sepeggejapen ras teman si paksa tawa entah pe tangis. Tupung kita tangis ras teman si paksana tangis erkiteken kepiceten ukur entah eraru ate, i je igejapkenna sada pergegeh, maka bas ia kepiceten e pe lit teman si emperdiateken ia.

I bas sada wari sekalak diberu i Charleston njumpai sekalak diberu berkulit hitam. Nina diberu e, ikut aku erceda ate i bas kelawesen simetuandu ya nak. Ku idah kam cukup rembak ras bibindu e, ugapa pe kam cukup kehilangan. Ue nak, aku tuhu sedih, i bas kelawesen bibiku, tapi kami la teman nina diberu berkulit hitam e. Uga maka bege nindu nak nina ka diberu e. Kami tuhu rusur ercakup-cakap, cerita ras tawa ras-ras, tapi kami terjeng teman biasa sebab kami labo pernah tangis ras-ras. Kalak si labo pernah 'tangis ras tangis' nina diberu si berkulit hitam e labo banci ikataken teman dekat (karib).

Payo, tupung kita tangis ras teman si paksana erceda ate entah i bas perbeben si mberat, i je lit sada pergegeh man si erceda ate. Iluh mambur e nuriken maka labo ia saja si rate ceda tapi lit kita temanna, inganna erbagi perasan, inganna ngadu-ngadu, inganna tertande tupung ia kote e. Iluh si nakta bas matata nari e nuriken maka kita siap jadi teman si mpegegehi ia i bas keleimahenna, la sitadingken ia si sada i bas perbebenna si mberat, janah nggit kita nampati guna mpenahangi babanna si mberat. Jadiken 'kehadirenta jadi gegeh ras semangat' man kalak sideban. Bageme pengajaren Paulus man perpulungen Roma bagepe man banta kerina.